

Guangjisi Minzcu Bau

ganhhau: CN45-0036 B.2014 Nd.11 Ng.26 liggaeuq gyapngux nienz ndwencib co'ngux

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3150期

Lozcwngz Mulaujcu Swciyen Angqhoh Laeb Yienh 30 Hopbi

罗城仫佬族自治县喜庆30华诞

11 nyied 23 hauh, Lozcwngz Mulaujcu Swciyen hai aen daihhoih angqhoh laeb yienh 30 hopbi.

Youq gwnz daihhoih, Daengx Guek Yinza Minzveij, Guekgya Minzveij cuzhodonz cwngzyenz Vangz Yigez, Swcigih Daibyaujdonz fudonz-cangj, Swcigih fucujis Lanz Denhliz, Hozciz Si daibyaujdonz donzcangj, sicangj Hoz Sinhing faenbied doeg saw angqhoh. Ciuq cam rox, vihliux roengz cienz rengz bangcoengh aen yienh neix guh gij hanghmoeg angqhoh laeb yienh 30 hopbi, Guekgya Minzveij cienmonz bued 50 fanh

maenz hawj aen yienh neix fazcanj saehnieb minzcu, swcigih coengh ok 5336 fanh maenz, Hozciz Si coengh ok 100 fanh maenz. Youq yienhciegz, Swcigih Dangiveij cangzveij, Cwng-fazveij suhgi Vwnh Gajvaz, Swcigih fucujis Lanz Denhliz, Gvangjisi Ginhhing fucwngveij Huz Yilinz daibyauj swcigih soengq "aen bingz bauj minzcu doxgiet" hawj Lozcwngz Mulaujcu Swciyen.

Daj Lozcwngz Mulaujcu Swciyen laeb yienh 30 bi daeuj, ndaw yienh minzcu ginghci nem sevei fazcanj yienhda, vunzlai swngghoz suiibingz

daezsang gig lai. Daengz 2013 nienz daej, daengx yienh gij ginghci cijbyauh daeuz caeuq ngamq laeb yienh seizde doxbeij, cungj gyalai 30 boix doxhwnj. Ndawde, digih swngghanj cungciz 36.48 ik maenz, dwg 1983 nienz 49 boix; caizcwng souhaeuj 2.7 ik maenz, dwg 1983 nienz 89.1 boix; nungminz bingzyaenz moix boux cinghsouhaeuj 4485 maenz, dwg 1983 nienz 46.7 boix. Ndaw doz dwg swcigih soengq "aen bingz bauj minzcu doxgiet" hawj aen yienh neix.

(Loz Siliz/罗世立 Cuh Yaujlingz/朱晓玲)

SIUSIK DINJ

简讯

● 11 nyied 17 hauh, Fungsanh Yen Gyanghcouh Yauzcu Yagh gawjhengz daihhoih angqhoh laeb yienh 30 hopbi. Aen yangh neix gungh 11871 vunz, ndawde vunz Yauzcu 4332 boux, ciemq cungisoq 36.5%. Bi'gvaq, daengx yangh nungminz bingz-yaenz moix boux cinghsouhaeuj daj 2004 nienz 965 maenz gya daengz 3008 maenz, gyalai 312%.

(Veiz Lizbyauh)

● Bineix 10 nyied, Duh'anh Yauzcu Swciyen Gozsuigiz gungh soundaej ngaenz sui 2294 fanh maenz, doengzbeij laisou 1104 fanh maenz, gyalai 92.77%, daih'it baez ndwen dog mauhgvaq 2000 fanh.

(Veiz Yajyungz)

● Bineix, Denhdwngj Yen haenqrengz guh ndei hong guh dangjan, mbawgaj nem loeghaeuj siusik gvendaengz lajmbanj fuzbinz haifat. Daengz 10 nyied daej, aen yienh neix gaeng digh doenghij ranzungz-hoj 30691 ranz 113884 vunz, ciemq gij gveihmoz wnggai digh de 100%; loeghaeuj siusik 19453 ranz, ciemq doenghij wnggai loeghaeuj de 62.37%.

(Vangz Lilanz)

● Bineix, Lungzswng Gak Cuz Swciyen doeng-gvaq dazyinx vuzlai laeb haeuxyenhcih dajndaem hozcozse, dajndaem 7000 lai moux, caemhcaiq saedyienh haeuxyenhcih dajndaem canjyevva, binjbaizva, dingdanhva, neix ndaej bouxseng'eiq dieg wnq maij.

(Siz Nungzbingh)

● Bineix nienzco, Dava Yauzcu Swciyen Dava Cin Cinhhing Cunh yinx vunz rog daeuj ndaw cunh aeu bungzhung ndaem hahmizgva. Dangqnaq daengx yienh gaeng guh baenz nem cingq hwnj bungzhung 20 aen, menciz 8 moux, ndawde gaeng ndaem 6 aen bungz, menciz 2.4 moux.

(Cinz Gingbungz)



“Bouxminzgingj Ciengqgo Mizmingz Mbanj-cuengh” Aeu Vahcuengh Ciengqgo Vunzlai Maij

“壮乡民警歌星”壮语歌宣传平安受热捧

“Ndeidingq raixcaix, caiq ciengq souj ndeu, caiq ciengq souj ndeu……”, 11 nyied 17 hauh banhaemh, Liujcwngz Yen Gungh' anhgiz gyaudaujyenz Veiz Mau hwnj daizheiq seizde, vunzlai laj daiz cungj lumj “boux gyaezmaij mingzsingh”, bouxboux cungj gyaezmaij boux gingjaz neix. Veiz Mau ndaej vunzbiengz heuhguh “bouxminzgingj ciengqgo mizmingz Mbanjcuengh”. Haemhde de hwnj aen daizheiq hung heuhguh “vunzlai anh-

cenzganj(gamjdaengz ancienz) vwnzyi roengz mbanj liebcunz yienjok”.

Haemhde 20 diemj, Liujgyangh Yen Cwngzdonz Cin Cwngzdonz Cunh Mbanjinhleij aen daizheiq daengraiz ronghrangq luemjmbab, Veiz Mau youq gwnz daiz fwngz dwk gizdah bak ciengq 《Go Vahcuengh Gimqdoeg》(gag bien). Gij vah ndaw go gig mizyinx, dauhleix ngaihrox, cezcou daegbied, 1000 lai bouxyawj dingq le riu gyuksoz, bek-fwngz bobbob. Ciengq souj ndeu liux le,

bouxyawj laj daiz soh hemh naeuz gvaqyinx raixcaix, couh haenqrengz heuh Veiz Mau caiq ciengq souj ndeu dem.

Ciengq liux le, Veiz Mau youh caiq aeu Vahcuengh doiq vunzlai gangj gij gijmaz dwg famhcoih gungjbu. Veiz Mau aeu Vahcuengh dangdieg depgyawj simvunz de daeuj senhconz gij cihsiz dingjdoiq gungjbu, vunzlai dingq ndaej gig haeujsim. (Cinz Fulinz/秦付林 Dangz Cauhbingz/唐昭平)